

清遠縣志卷十五

學校目錄

學宮

學官

學額

學科

學舍

學費

學制變遷

學堂創設

學務機關

學校一覽

清遠縣志 卷十五

學校目錄

歷年建置之學校

縣立中學校

附師範學校

縣立小學校

附幼稚園

各鄉小學校

社會教育

學田

學產

學校凡例

志之載學自嵎縣志始宋高四後來方志莫不詳此一門阮通志且

分詳於經政建置二類蓋重之也陽山縣志云學校雖建置一端然

養士化民厥典尤鉅是宜別立一門陸向况今文化進步學制精詳

更宜特立專類古者立學必奉先聖先師禮文王世子凡始立學

以為典型後世因設學宮崇奉孔聖學官必偕弟子員春秋朔望釋

奠行禮其教以聖道為歸所以必有文廟惟近日學校非附設於文

廟則文廟不必降附於學校矣今故改錄學宮於建置類以尊崇之

然學校必有其緣起故於學校首載學宮以詳歷朝制度

番禺續志云學校本列建置今興建學堂其中沿革非別為專類原

委不明長丁仁今從其例立為總門內分十二目首日縣學識原起也

次學官三學額四學科五學舍六學費識制度也七學制變遷八學

清遠縣志 卷十五 凡例

堂創設九學務機關識沿革也十學校一覽十一學田十二學產識

現况也

香山縣志嘗言學校須詳學制陳澄故肇慶府志學宮之下即詳學

額學田書院鄉塾諸端居英東莞縣志且詳童試科考五貢武生科

舉諸制並及於科舉變遷及停止陳伯番禺續志學校之前亦錄停

止科舉設勸學所籌辦學堂之經過長丁仁陳伯陶云變法議起新學

繁興學制竟成陳迹然告朔餼羊不當遽去其說誠然今故詳考歷

朝制度以逮現時學堂至閱報處圖書館乃社會教育也開平縣志

圖書館附學校後張啓今皆從之而以學田學產終焉此亦東莞縣

志例也陳伯

清遠縣志卷十五

學校

學宮

清遠自隋開皇間建學陳哲修宋淳祐四年建於縣治東南即今水

宋末兵燬元主部白太平修復元末再燬明洪武復建宣德燬於西

寇重建殿堂齋門正統六年闢學基增號舍景泰三年建明倫堂光緒

志引成化十六年置號房於兩齋之南俾諸生肄業移贍堂於東齋

之北俾諸生會饌江朝宗嘉靖三年遷北門外瑞峯寺建兩齋學門

庖廚之所黎賈修十六年建崇文書院郝通二十三年遷回城內大

觀街光緒志為尊經閣為官師之居為弟子學舍倫以詵堂齋廨舍

皆備集圖成書講堂在城內北隅郝通翌年又遷瑞峰康熙四年卜舊衛

署故址遷建即署今三十五年又建鳳城義學後改鳳城書院光緒五

清遠縣志

卷十五

學宮

二

十八年復遷瑞峰故址乾隆二年重修右為瑞峰書院後為尊經閣

十九年遷入城內登瀛街光緒

謹按尊祭孔子始於漢高帝至郡縣學並祀孔子則始明帝尊

孔子為先師詔州縣學以春秋仲月上丁釋奠則始隋開皇前文

祀陳哲記云清遠隋時設學者蓋此時頒行天下本縣遵行耳

始入學者必釋菜學官四時之祭乃皆釋奠釋奠有樂無尸釋

菜則無樂此其畧也歐陽修穀城其後學廢為廟縣吏祇釋奠

於其堂見王安石至宋慶曆元年天下之學乃得復立曾梁

各各築學宮有齋祭之室講誦之堂休息之廬至庖廡庫廩

各以序為州會文宣王居正位旁為學舍以藏經書率子弟

以興於學子殺城明年復廢惟春秋則以廟祀孔子曾梁

久之漸復設立吾邑淳祐四年建於城東南隅後此屢有變更

詳建其制未備迨明太祖令天下遍設學校頒禁例十二條立  
臥碑置明倫堂無地而不設學此唐宋以來所不及也見明史  
清順治頒臥碑八條康熙頒聖諭十六條訓飭諸生清為學  
校興盛時代

### 學官

清遠縣儒學教諭一員訓導一員清會典

謹按學記云古者家有塾黨有庠遂有序夏后有東序西序殷  
人有左學右學周人有東膠虞庠王制云養國老於上庠養庶  
老於下庠故有大學小學教國之子弟謂之國子禮記至漢謂  
之太學三代之道鄉里皆有教夏曰校殷曰序周曰庠漢書儒  
簡朝亮云古者鄉大夫以鄉飲酒禮禮鄉之秀士升於郊學王  
制所謂選士是也大司徒以賓興禮禮選士於郊學乃論選士

## 清遠縣志 卷十五

學官

三

之秀者升於成均王制所謂俊士是也讀書草至漢有四郊鄉

學迨平帝時令天下立學官各縣曰校置經師一人鄉曰庠置

孝經師一人漢書職宋各縣

有齋諭齋長陽山志元各縣有教諭訓導學錄直學元通志明太

祖於國子監太學之外府設教授州設學正縣設教諭皆副以

訓導其初縣設教導二名後裁為一清順治初諭教官月加課

程不得曠棄雍正元年令教官立課程面加課試五年令舉行

月課季考乾隆九年令試本經史策表判三十五年令限韻課

詩同治二年令教官有苟且因循者分別懲辦清會典學官考課

法以九年任滿核其中式舉人多少為殿最其嚴如此明史選

訓課生員者教諭訓導為其專職故稱曰儒學至若考試生員者則

知縣知府提學道三級也中宿文獻明初按察司副使道或僉事道兼

任提學正統元年始派京官為提學官明史選至清提學道或副使

或僉事無定銜每省一員典康熙四十五年設提督學政改提學

道為學院雍正七年分設兩學政一巡試肇慶高州廉州雷州瓊州羅定州日肇高

連州日廣韶學政一巡試肇慶高州廉州雷州瓊州羅定州日肇高

學政乾隆十六年程巖奏准仍統設一員政提學科歲巡廻

各府州廳考試清遠以縣無考棚故院考須赴省垣應試中

謹按陳佐瑞峯書院記云弘治甲子大比憲副督學潘府駐節

於此檄召南韶連二郡一州士子會考以行臺宰隘遂於此構

堂宇以會考云則當時提學在清遠考試矣文獻錄謂赴省應

試此康熙以後之制也

### 學額

唐中縣學生三十五人每歲仲冬舉其成者送尙書省宋慶曆四年

## 清遠縣志

### 卷十五

學額

詔州縣立學士須在學三百日乃聽預秋賦舊嘗充者百日而止諸

州縣學補弟子無定員文元令各州縣凡生徒肄業者守令舉薦

之台憲考核之或用為教官或取為吏屬明各縣學額二十名

明史選清遠明初二十名後改為十名萬曆時核減為四名旋復舊

順治初定十二名康熙八年改定為八名氏

清遠歲科考取進文武生員各八名廩生二十名增生二十名二年

歲貢一名既

康熙五十五年准衛所屯丁科歲入學二名送入府學肄業光清

遠等八衛各取童生二名撥入府學補廩出貢即附入府學額清

通

雍正二年令於人文最盛之地增廣入學額數清遠增至十二名其

後裁減仍入學八名光

咸豐十年因籌捐軍餉加永遠文武學額一名同治元年因籌捐京米加永遠文武學額一名同治四年因守備侯勉忠報效勇餉銀二萬兩加永遠文武學額二名光緒志清遠原額外共加永遠定額四名

史府志 共十二名馮山訪冊

廣州府學額前四十名後減為三十五名清遠有時佔三名有時佔

一二名中箱文獻錄咸豐末因廣府明倫堂籌款辦公派之十四屬我邑

因未解繳遂被剝奪其後無撥府額秦階訪冊

謹按士子於歲科考時應知縣試共七場末場首名曰縣案元

列册送廣州府知府試之如縣其末場首名曰府案元列册送

提學官山話大率以按察司副使道或僉事道為之故曰道試

其取錄者曰附學生員明正統元年始設提學官清康熙

四十五年改為提督學院故曰院試全書乾隆二十九年學政

清遠縣志 卷十五

學額 五

邊繼祖奏請考試童生先取正副二卷招覆部駁不行至嘉慶

二十四年學政李棠階同治十一年學政何廷謙各行招覆一

次光緒六年學政馮爾昌妨槍替冒濫實行招覆遂沿為例東

志生員之額定於明初其初食廩者曰廩膳生員宣德中定增

廣額曰增廣生員後又於額外附諸生之末曰附學生員廩膳

增廣以歲科兩試等第高者補充非廩生不得歲貢提學官在

任三歲兩試諸生先以六等試其優劣謂之歲考列一等者廩

膳有缺依次充補其次補增廣生一二等給賞三等如常四等

撻責五等則廩增遞降附生降為青衣六等黜革繼取一二等

為科舉生員准應鄉試謂之科考其充補廩增給賞降革如歲

試仍分為六等而多置三等三等不得應鄉試萬曆時張居正

當國核減天下生員有一州縣僅錄一人者生員有犯事理者

發充儒學膳夫齋夫滿日為民俱追廩米見志清順治八年科歲併為一考康熙十三年復之縣志生員例考一等增附青社均補廩二等增補廩附青社補增三等停廩及增降附者准收復青衣發社者准復附四等廩停餼不作缺增附青社均朴責五等廩停缺原停者降增增降附附降青衣青衣發社原發社者黜為民六等廩發社或充吏餘皆黜退為民見典乾隆二十七年令各縣學凡四五等生員罰令於鄉科時入場對讀如不入場者則四等罰繳銀三兩五等罰繳銀六兩為僱儒士代對讀之用東考嘉慶後則止列三等而無四五六等縣志乾隆九年定一二等及三等前十名准應科舉十年令歲考欠至三次外者黜革典生員為青衿以青衿至世稱曰秀才則大誤科考秀才之名始於漢書儒林傳漢令州舉秀才晉有秀才

清遠縣志 卷五

學

六

才不遇十名今以童生考錄入學者通稱諸生以邑生廩生廩又開於正額之外榜列一名以廩每生或邑廩支給禮生膏衣銀頂使為學宮執事廩生武生武生故衣總稱諸生又國學有監生故又稱明倫堂為三學優免武生故衣總稱諸生又國學有監生故又稱明倫堂為三學優免

者可充貢選累試不第者亦給予冠帶清文九品考云生員冠犯事地方官不得擅撻其情重者須報學政黜革始行治罪細事發學戒飭而已東莞縣志引

明自洪武二十年立武學至成化設武鄉試然皆府州及大縣有之清遠以小縣不設學所有武生童皆附入廣府學至萬曆中清遠衛乃設武學白氏由提學官一體考試旋亦罷中宿文崇禎初始令州縣皆設武學生員所司考試武生十年學無可取者追廩還官明史

志至清則無科考及廩生開平志清遠初設額十名後定八名奕葉集傳  
同治時加至十二名光緒志光緒二十七年七月詔武科試一律停止

英德志

### 學科

明時課士以經書義謂之制義亦曰八股及詔誥表策論判生員專

治一經東莞縣志云前時各專一經乾隆五十一年經矣以禮樂射御書數設

科分教務求實學名實相稱者明史康熙三年六年兩科嘗廢八

股用策論旋復舊乾隆去表判用詩科例光緒二十四年五月初五

日以文體日敝令自下科始鄉會試生童歲科試一律改試策論見

平旋於是年八月二十四日奉慈禧太后懿旨自後鄉會試歲科

考仍以四書文試帖經文考試見番禹志至二十七年七月上諭各國

智巧日闕不得不因時變通着自明年始鄉試以中國政治史論各

## 清遠縣志 卷十五

學科

七

國政治藝學策四書五經義生童試如之仍先試經古一場務以經

書為根本使究心經濟之學東莞縣志

明制學兼射御清遠舊有射圃在城內明正統十二年訓導歐陽本

徙之城西舊制以朔望日習射定鵠置位初三十步加至九十步每

耦二人各挾四矢以次相繼宰官主射射畢中的飲三爵中采飲二

爵光緒志清初令各學修葺射圃置備弓矢教官率生童較射以飭

武備清會典康熙四十九年尙行鄉射禮東莞縣志

謹按洪武初詔天下闢射圃令生員講習縣官與學官皆習射

朔望行之正德三年提學林廷玉定射禮賓一僕一主一士一

衆賓四司射一司馬一耦六釋獲一揚解一俱以諸生代行清

初令春秋仲月望日由教官率諸生習之

### 學舍



清遠明有同文書院崇文書院瑞峯書院清有滇江書院鳳城書院

光緒志

謹按明制郡縣皆立學校延師儒授生徒講論聖道以復先王之舊明史選清乾隆上諭云古者鄉學之秀始升於國然其時諸侯之國各皆有學今府州縣學而建而無遞升之法國子監雖設於京師而道里遼遠不能胥會則書院即古者侯國之學校居講席者固宜老成宿望從游之士亦當立品勤學該部行文各督撫學政凡書院之長必選經明行修足為模範者以禮聘請東華錄於是清遠亦設書院由知縣儒學聘品學優者一人為師曰山長生員童生皆得執贄受業其課藝由山長考校曰院課由知縣考校曰官課分別獎以膏伙

社學清遠縣有社學八郝通志

清遠縣志 卷十五

學舍

八

謹按洪武八年立社學以教民間子弟兼讀大誥律令冠婚喪葬之禮苟熟大誥犯罪亦從末減正統時許補儒學生員明史選

志康熙九年令社學設社師學政考選行誼謹厚者每鄉一人充社師給予廩餼東莞志雍正七年准動支庫項見阮通志陳獻章云

社學即古之小學是也見白沙集

明倫堂在學宮光緒志敦勸孝弟整齊風俗每歲舉行鄉飲酒禮於此由縣官為主人聘年高德邵之紳士一人為正賓士人中舉一人為介賓耆老數人為眾賓僚佐鄉大夫為僎賓教官為司正諸生二人司爵二人贊禮二人引禮一人讀律令清會典清遠每年鄉飲通禮銀一兩八錢東莞志明太祖憲綱云學校乃禮讓相先之地凡御史三司所至先詣大成殿拜謁禮畢退詣明倫堂與生員講說經史東莞志

林苑

謹按清制每年正月十五日十月初一日在明倫堂舉行鄉飲酒禮以齒列坐凡舉為正賓大賓者由布政司册呈督府報部存案查縣公署檔册本縣每年在地丁存留庫項動支禮銀一兩八錢道光二十三年以後將禮銀撥充軍餉自此少舉行矣而明倫堂仍為諸生集合之所凡大憲觀風及議地方與革大事皆齊集於此

賓興逢大比年於場前齊集明倫堂縣官備花紅酒席延科舉生員集縣署大堂簪花宴飲鼓樂導各生由中門出府志

書院經費 鳳城書院乾隆二年知縣陳哲捐建八年詳撥東林寺鄉小斗租穀七百五十石為義學經費復撥鰲塔寺租穀二百五十石共一千石歸縣徵收以為延師課訓之費鳳城書院山長

清遠縣志

卷五

學費

九

一員由縣聘任每歲束修一百兩薪水銀五十兩由縣將所收租穀變價支送光緒另各生童受業者自備贄敬及節敬另設監院一員

以貢生資深者當之理院內事務收掌月課發題各事院內生童肄業者月課其文藝而第其甲乙院課每年給膏伙銀一百四十兩由三學買受灰沙基寮田租支發官課膏伙由知縣將所收

三江租銀支發永祺

試場經費 雍正十一年廣韶學院陳某條奏縣州府院考無論大

中小學每卷一本定價三分光緒清遠向例每科額入文生八名每名應解考棚銀十五兩二錢七分九釐共應解銀一百二十二兩

二錢三分二釐如遇撥府一名照數補解光緒清遠歲科解繳學院支給貧生燈油銀三十七兩一錢三分由禾雲占果等處學由租支

解史府光緒十六年免解繳學宮

入學經費 向來文武進學例由儒學注册册費多少不一同治四年清遠稟准除學收小斗八百石額租穀外由三學公項致送文武新生每名送兩學印色共四元學書門斗各一兩志史府由文廟公項每名送兩學官印金共二十四元隨封在內另每名印色四元學書共一兩門斗共一兩隨人共七錢二分另由生員每名自備贄敬銀共八元書斗隨禮共一兩二錢丁憂起復報故補例兩學共册金七錢二分新生送考遺才二兩一錢六分舊生一兩零八分武生遺才新生四兩三錢二分舊生二兩一錢六分生員補增由學造册通報送兩學册金共二元隨禮在內補廩送册金共十元書斗共一元廩生出貢由學造册通報册金共一元生員文童送考經古兩學造册共册金一元原額廣額加額均照此數毋得另行需索貧富一體不得私有增減以上條款由督撫提學批准勒石文昌宮

光緒惟水東白氏茅田朱氏禾雲梁氏浸潭馮氏各子孫凡進文武庠者不論名數多寡其卷册印金皆永遠豁免誌學碑

特授清遠縣儒學正堂司徒副堂顏爲給示勒石事照得濱屬屯步堡水東村監生白夢蛟及耆民白宜芳等將其祖西緣嘗麟書嘗遺糞脚糧田遞年額收租穀四百八十餘石歲納民米共七石五斗一升零一勺另舊陞科民米一斗九升五合七勺稟送前來又浸潭堡蘆苞村職員馮志進等將其祖爾錫嘗遺糞脚糧田遞年額收租穀三百零五石餘納民米四石三斗九升二合稟送前來又屯步堡茅田村都司朱鸞等將其祖蒼衡嘗遺糞脚糧田遞年額收租穀一百五十九石餘納民米二石六斗七升稟送前來又禾雲堡田心村職員梁澤孚等將其祖秀客嘗遺糞脚糧田遞年額收租穀一百七十六石餘納民米三石零八合五勺稟送前

來先後據此當已准其收管過割輸糧在案嗣念該紳耆義舉可嘉特給印照免各該裔子孫進庠卷册印金以示獎勵茲復據該紳耆等恐日久印照損失至失獎勵厚意聯名稟請給示勒石以垂永遠等情到學據此查邑乘凡有功於疊序者皆得列諸貞珉傳爲不朽據稟應如所請合行給示爲此示仰白夢蛟等各紳耆遵照嗣後凡白西緣裔子孫馮爾錫裔子孫朱蒼衡裔子孫梁秀客裔子孫有進文武邑庠者無論名數多寡其卷册印金永遠概行豁免以示獎勵異日各裔子孫克紹書香當知爲善食報之意不得以濫竽他族爲本支大失本儒學獎勵實意各宜凜遵毋違特示同治十年十月吉日勒碑存參議會頭門

賓興經費 凡科舉年生員每人給賓興銀一兩四錢四分文武會試每人公車銀一十兩俱由文廟租銀支發光緒十六年定文

舉人會試及優拔貢朝考盤費每名限領一百兩

文廟碑記

欽加同知銜特授清遠縣正堂加十級紀錄十次左爲諭飭遵照事案查縣屬大河塘官租前經撥歸該三學批耕給照管業遞年輸納該田糧稅及支尊經閣祭品歲科試考棚經費新添孤貧十四名口糧各銀兩餘銀均充三學公費在案茲查考棚經費已奉札免捐毋庸繳解應將此項銀兩自光緒十六年爲始另欸存儲每年在大河塘租銀內抽銀一百兩作爲通縣文舉人會試及優拔貢朝考盤費如遇會試及朝考之年應試人少銀多每名以領銀一百兩爲限餘銀存儲若應試人多卽照人數公分亦不得逾一百之數仍歸三學值事管理按年登記交收不准別項挪用以垂久遠毋違特諭光緒六年十一月二十八日諭三學紳士問泐

石

碑存

廩餼經費

清遠縣廩生二十名每年共支廩餼銀四十八兩

阮通志

由庫項動支光緒三十二年各縣奉行停給

陽江縣志

獎勵經費

凡新中進士舉人者知縣爲之慶賀有宴席費旗扁費

上京會試水手費歲貢生有旗扁費新進生員有酒果費俱在徵備

存留庫項動支

縣公署  
檔案

學制變遷

光緒二十九年十一月二十六日張伯熙等奏云科舉未停則人情不免觀望入學者恃有科舉一途爲退步不肯專心向學况科舉祇憑一日之短長學堂必盡數年之研究科舉但取詞章其器識無從考見學堂兼重行檢其心術尤可灼知當此時勢阽危非人才莫濟除興學堂外更無養才濟時之術臣等查照張之洞袁世凱原奏從下屆丙午鄉科起每科遞減中額三分之一至壬子科減盡學政歲

清遠縣志

卷十五

學制變遷

一一

科試亦於鄉試兩科限內四次分減每一次減額四分之一俟末一次減盡卽行停止至舊日生員年在三十以下者可令人學堂肄業三十以上者可入師範簡易科於科舉僅見裁抑而學堂可頓見振興轉弱爲強實基於此上諭照准又三十一年八月初四日袁世凱奏云前奉諭旨遞減科舉中額期以三科減盡臣等默觀大局覺現在危迫情形更甚曩日竭力振作實同一刻千金而科舉一日不停士人皆有微倖得第之心民間更相率觀望學堂決無大興之望且學堂者並非專爲儲材乃以開通民智爲主故欲補救時艱必自先停科舉始擬請宸衷獨斷雷厲風行雖然科舉停矣舊學科舉之寒儒宜籌出路也擬請十年之內各優貢拔貢額酌量加增其舉人五貢擬令各督撫三年保送一次照會試中額加倍送京考試用爲主事知縣等官如此則鄉試雖停生員可以得優拔會試雖停舉貢可

以考官職正科舉之名專歸於急需之學堂尋奉上諭袁世凱奏停科舉廣設學堂俾全國之人咸趨實學用意至深前因管學大臣議奏已准將鄉會試中額分三科遞減茲據奏稱科舉不停民間觀望欲廣學堂須立停科舉所陳不為無見着自丙午科始所有鄉會試歲科試一律停止其以前舉貢生員分別量予出路其餘各條均着照准辦理並着責成各督撫嚴飭州縣趕於城鄉遍設小學堂廣開民智東華錄使學堂科舉合為一途為士皆實學學皆實用起見也光緒是年四月清遠已考縣試取劉少拔為縣案元迨奉上諭遂停府院考試叔平訪冊

### 學堂創設

謹按番禺續志云科舉垂二千年至光緒而停廢此為最大沿革茲故節錄奏議詔旨於此

## 清遠縣志

### 卷五

學堂創設

一三

光緒二十七年八月初二日奉上諭作育人材端在修明學術除京師已設大學堂外各省所有書院均改大學堂府州設中學堂各縣設小學堂並多設蒙養學堂二十九年閏五月初三日添派張伯熙榮慶張之洞為學務大臣奏定高等初等小學堂中等學堂大學堂通儒院各章程其高等學堂畢業者由督撫學政會考大學堂畢業者奏簡總裁會考其獎勵錄用之法請比照鼓勵出洋游學生獎給出身分別錄用番禺志

二十八年奉改廣雅書院為廣東大學堂二十九年改稱高等學堂

南海

郡紳丁仁長等倡辦教忠學堂於廣府學宮後改為初級師範

其開辦費在惠濟倉項下撥九千餘兩清遠明倫堂等均有歲捐凡各縣歲捐五十兩者即占學額一名多者類推三十年廣府中學堂以清遠龍從花五縣偏僻宜備教材遂於此附設師範一班番禺志清

遠亦派學生斯時屢奉令飭辦學但以無人專責未行三十一年兩廣學務處以布按二司爲督辦飭令設立學務公所知縣袁可羣委任董事附設於安良總局內於是始籌議辦學訪泰册附  
學務機關

光緒二十九年八月總督岑春煊奏設兩廣學務處三十年由學務處令各縣設學務公所尋於翌年四月奉裁提督學正改設廣東提學使由督府節制六月改兩廣學務處爲廣東學務公所而各縣之學務公所則改爲勸學所先是兩廣學務處內設辦學員練習所馬番三十一年本縣派伍毓華陳佐衡二人往習每名繳學費四十元至是始決定辦學訪叔册平惟以欸項無着知縣袁可羣呈准提撥飛來寺產爲經費七月乃設四屬學堂籌備處建築高等小學堂及師範傳習所至三十二年委任伍毓華爲勸學所長專辦學務訪泰册附

清遠縣志

卷十五

學務機關

一四

學務公所 光緒三十一年學務處飭辦學務公所續順志知縣袁可羣委任安良局紳四人另四屬各一人共爲董事八員又設四屬分所委查學員八人專管辦學以無經費僅設籌備處建築四屬小學堂師範傳習所其餘未及施行訪漢册三

勸學所 光緒三十二年學部通飭各州縣將前設學務公所改爲勸學所東莞縣志內設所長一員兼任總董並充視學由學使扎派訪番册四志

清遠於是年十一月成立由縣委各屬勸學員八人以華嚴寺爲所址以飛來寺繕埽租爲經費每月三十九元縣公署宣統二年十二月部頒章程確定勸學所爲州縣教育行政機關改總董爲勸學員長自治未成立以前所有地方學務由其代理執行定學部民國元

年撤銷改爲督學局訪馬册山

督學局 民國元年八月成立以勸學所繕埽租及縣署教育課月

薪儒學田租爲局費設局長一員教育司委縣紳充任另由縣委總務科長一員教育課兼社會教育課員一人每月預算一百九十餘元另由省教育司補助開辦費三百元至二年二月裁改設學務專

員

縣公署  
檔册

學務專員 民國二年五月成立設於文昌廟內其專員委任縣紳充之每月預算經費五十元是年八月改稱學務委員兼縣視學六年五月裁改爲勸學所

縣政府  
檔册

勸學所 民國六年五月成立設於明倫堂其所長委任縣紳充之每月經費預算九十元十年十一月裁撤改爲教育局

縣公署  
檔册

教育局 民國初年清遠縣公署內有四課教育課其一也民國十年民選縣長成立卽改爲一科六局裁勸學所併爲教育局局長一員局員若干員定爲縣署職員十九年改稱縣政府教育局

縣政府  
檔册

清遠縣志

卷十五

學務機關

一五

謹按番禺續志云列勸學所學務公所於學堂之前蓋學務變革之大端以此爲樞紐也東莞縣志順德續志陽江縣志等皆然今從其例撮錄學務機關於此若教育會非執行機關則置於社會類焉

學校一覽

謹按教育爲立國之基學校爲培才之本清沿明制以帖括取士而士之習者鮮求實學以致文風日陋久爲識者所非海禁旣開歐風東播吾國上下始悟拘牽舊法不足以圖存自光緒戊戌毅然廢科舉設學堂其系統則有大學中學小學之分其設置則有省立縣立鄉立之別光緒三十一年知縣袁可群將縣署左鄰觀音堂改設師範簡易科先造就小學教師並附兩等小學於其中以資實習又將鳳城書院改辦四屬高等小學



堂此爲我邑學堂之創始嗣是學生畢業日衆學堂設立亦日多迨民國元年改學堂爲學校實行男女同校使同受平等教育民國二十一年吳縣長鳳聲來宰吾邑添設小學二百餘所學生之衆學校之多以此時爲最茲將我邑學務緣起經費來源學校設置列爲表式著於篇

歷年設置之學校

十一年冬縣公署教育局長杜蔭芬報告表

### 官立高等小學堂

校址 在學宮街以原日鳳城書院改建

沿革 光緒三十一年知縣袁可群奉令飭安良總局紳士辦理三十二年八月初七日開學名爲清遠官立高等小學堂民國二年六月改高等小學校今改中學兼設縣立第一小學經費 設備費每屬認捐銀二千兩僅交銀五百兩時承候補三

## 清遠縣志

### 卷十五

學校

一六

品京堂蘇秉樞先生捐助銀五千元建築工料共支銀八千九百四十五兩九錢五分購置校具共支銀一千三百一十八兩一錢三分辦學公所自乙巳年十月起至丁未年正月底止共用銀五百六十三兩二錢六分 經常費三學規定每年撥銀八百兩原奉規定常年費銀三千七百餘元至民國二年經費不敷由知事鄒其觀核定爲二千一百二十餘元由三學每年撥銀八百兩猪行秤租撥銀三百元大楓寮租銀一百兩湯塘庄田租三百餘元黃金埔田租銀百餘元撥縣立第一國民學校餘款一百七十餘元充之至民國八年由三學議決每年增加雜支費銀六十元

### 官立初等小學堂

校址 在萬壽街以原日城內觀音堂寺改建

沿革 光緒三十一年七月知縣袁可群奉令飭辦三十二年二

月初一日開學名爲官立初等小學堂三十二年六月改辦兩等小學堂宣統二年六月仍改初等小學堂民國二年六月改縣立第一國民小學校今改縣立一初小學

經費 設備費由縣扣存花紅二成共銀一千三百一十三兩八錢五分二厘撥作修建費購置校具共用銀三百五十七兩四錢常年費全年經費共一千三百兩原定提義倉租息每年二百兩義學經費每年八十九兩卽北帝廟租六十九兩七錢三分六厘尙義堂二十兩緝捕商人報効每年四百元郵政局租銀每年四十元附加地丁串票每張三分六厘每年共銀一千二百元華嚴寺產三角洲田每年租銀三百二十九兩城隍廟後殿年納租銀五十餘元道巫照費每年納銀三百餘元充之光緒三十三年以後停繳倉息由知事鄒其觀核定爲一千一百五十二元

初級師範簡易科

校址 附設官立初等小學堂

沿革 光緒三十二年二月初一日開學學生三十人兩學期畢業辦滿一屆卽裁

經費 由知縣袁可群撥給公款支銷

捕屬明新學堂

校址 在青雲路原日廣濟西倉光緒三十年備價一千四百兩承領由牌位捐改建

沿革 光緒三十年十月開辦三十二年七月初一開學名爲明新高等小學堂二年改城立捕屬第一高等小學校六年改捕屬區立第一高等小學校

經費 設備費收牌位捐一萬五千六百元義捐八千餘元蘇秉

樞捐助銀五千元 常年費由知縣袁可群提撥飛來寺產龍聚  
嶺臺前等處種子一百七十石零二斗五升三合蓮塘種子三十  
石零八斗松塘種子一十六石三斗三升共種子二百一十七石  
三斗八升三合原納興一鄉十甲僧寂成戶糧米二十三石二斗  
六升已割過興一鄉一甲新學成戶輸納由知縣朱永觀給照管  
業每年約共納租穀五百二十石上郭猪行秤租每年納二百元  
緝捕經費每年納銀一千三百元山票公司每年納銀二百四十  
元城西牛行每年納銀一百八十二元五角大碼頭輪船埽租每  
年納銀一百五十元飛來寺李家庄以上濇江口湄坑以下繒排  
埽頭每年納銀三百四十五元五角充之後緝捕山票兩項經費  
停納

### 興賢兩等小學堂

清遠縣志

卷五

學校

一八

校址 在關前墟將興賢社學改建

沿革 光緒三十四年開學名爲興賢兩等小學堂民國元年改  
濇一鎮立第一高等小學校七年改九區第一高小學校十五年  
被焚停

經費 設備費共二百五十二元由社學公款常年費由花山等  
處田租四百九十餘元撥充

### 濱江高等小學堂

校址 在青雲路卽原日廣濟東倉屯科地由濱江備價一千兩  
承領將興學祠牌位捐萬餘元建築

沿革 宣統元年十月開辦三年七月開學名濱江高等小學堂  
民國二年改濱江三鎮公立七年改濱江區立第一高等小學校  
十年六月改三四五區立第一高等小學校十六年改濱師實驗

小學今改濱師附小

經費 設備費由牌位捐支建築費一萬二千餘兩購置費二百六十餘元 常年費由濱江設立公會昌柴秤佣原撥雲橋書院膏伙銀年繳五百餘元並由庠生白清楷等領回前送白西緣祖明秋祖等之儒學印金租穀每年納約六百餘元及快艇捐等項撥充

半夜學堂

校址 在文昌廟內

沿革 光緒三十二年三月開辦學生四十人附設閱報處民國元年停止

經費 以城隍廟山票廠每月報効二十四兩四錢四分廣益利館租每月十五元充之

清遠縣志

卷十五

學校

一九

地方自治講習所

校址 在學宮街四屬高等小學堂附設

沿革 宣統二年開辦學生五十四名一學期畢業卽裁  
經費 由自治所將附加費撥充

清遠速成單級教員傳習所

校址 在學宮街第一高等小學校內

沿革 民國元年十二月辦第一次學生二百一十七名二年六月辦第二次學生一百二十七名卽裁

經費 第一次撥督學局經費及考生養卷費文憑費撥充共支二百三十元零六角第二次照辦共支二百元

縣立師範講習所

校址 在學宮街文昌廟內

沿革 第一期民國九年八月由勸學所長開辦十年三月二十一日開學學生十八名第二期十一年三月四日開學學生四十二名各一年畢業卽裁

經費 設備費第一期共支銀三百一十九元六角四分第二期共用銀二百三十元 常年費以中資捐及狀紙捐撥充第一期共用一千五百元第二期預算共支一千五百七十二元

縣立第一半夜師範講習所

校址 在學宮街文昌廟內

沿革 民國十一年四月由教育局開辦五月開學學生五十人一年畢業卽裁

經費 以中資捐撥充開辦費九十元常年費八百七十八元四角

縣立第一平民半日學校

校址 在下廊后街郭翠亭公祠內

沿革 民國十年七月由勸學所開辦八月十五開學學生四十二人十五年裁

經費 設備費共一百六十七元四分 常年費三百八十四元

化平初等小學堂

校址 在三坑墟化平社學內設

沿革 宣統三年二月開學旋停民國二年一月規復五年又停初名化平初等小學堂二年改三坑市第一初等小學校十年改六區化平國民學校今改化平小學

經費 常年費共二百六十四元由三坑市猪鷄行秤租嘗租二百二十元牛行地租五十元撥充

鰲約初等小學堂

校址 附設高等小學校內

沿革 宣統元年設立名鰲約八鄉初等小學堂二年開學民國十年改高等小學校今改鰲山初小學校

經費 由鰲約公款撥銀三百元

第十區安平高等小學校

校址 在濇江高平墟

沿革 宣統三年開辦民國二年三月開學名濇二鄉安平公立第一高等小學校七年改十區安平高小學校

經費 設備費二百七十餘元 常年費天竺寺租銀五百二十元校側地租五十五元泰安高平兩局公款一百二十元

縣立第二國民學校

清遠縣志

卷十五

學校

二

校址 附設四屬高等小學校

沿革 民國十年十二月開辦十一年二月十六日開學今併入縣立二初小學

經費 設備費營繕共支二百零七元零三分購置費一百四十三元一毫由中資捐項下提支 常年費每年撥銀五百六十四元由中資捐項下提撥

縣立第一女子高等小學校

校址 在麒麟里以華嚴寺改建

沿革 民國八年三月開辦三月二十九日開學

經費 設備費營繕共用銀一千三百一十四元四角三分四文購置費共四百四十六元八角七分均由三學公款撥充 常年費初由輪船碇泊朝陽碼頭每年納六成租銀六十元二碼頭每

年納六成租銀約六百元三碼頭每年納六成租銀約一百八十三元充之繼由三學公所每年補助銀三百六十元以足辦兩班之預算十一年二月改辦高小一班國民一班民國二十年裁併入縣立一小

### 縣立第三國民學校

校址 在麒麟里附設女子學校內

沿革 民國十年十二月開辦十一年二月十六日開學今併入縣立三初小學

經費 共四百二十元由中資捐撥銀三百六十元碼頭租撥六

十元充之

上俱縣公署檔冊  
據各訪冊修正

一二八區立平民教員講習所

玉礎  
訪冊

校址 明新學校內

## 清遠縣志

### 卷十五

學校

三

沿革 民國十七年辦一學期學生九十七人畢業卽裁

經費 由捕屬興學祠提撥千元充之

三四五區立農村小學教員養成所

功晉  
訪冊

校址 濱江高小學校內

沿革 民國十六年冬開辦學生六十人三個月畢業卽裁

經費 由濱江區自治會籌撥

十區安平高小學校在濇江民國二年設立

六區昇平國民學校在山塘民國二年設立

六區彭村國民學校在太平市民國二年設立

九區聚英國民學校在金釵灣民國二年設立

七區石角國民學校在石角墟民國二年設立

六區花岡國民學校在花岡民國二年設立

六區康平國民學校在太平市民國三年設立  
七區雲從國民學校在龍塘市民國六年設立  
十區 山高小學校在石松圍民國十一年設立  
八區源潭高小學校在源潭墟民國十一年設立

縣立中學校 縣政府教育報告表

縣立初級中學校

校址 將原日縣立高等小學校改設

沿革 民國十七年二月二十日開課是年十二月二十四日立  
案初年招生一班十八年增招一班十九年招足三班二十二年  
縣長吳鳳聲籌款增開一班歷屆畢業生共八十五人現在男女  
生共一百四十四人

經費 初由原日高等小學校經費及錢糧附加撥充十九年奉

改稅率取銷附加以糧稅總額之二成爲地方款其中教費占百  
分之二十三全年額支一萬一千零一十六元

縣立簡易師範學校

校址 北門外松樹岡瑞峰書院

沿革 民國二十年七月開課三班原名縣立鄉村師範學校二  
十一年縣長吳鳳聲增爲四班歷屆畢業生共六十餘人現有學  
生一百五十人其中附設小學二十三年畢業二十六人二十三  
年六月改今名二十五年停辦附小  
經費 每年經費一萬零四百六十四元

濱江區立鄉村師範學校

校址 城內青雲路

沿革 原爲濱江高小學校十七年改爲師範學校附設高等小



學校二十年畢業生十六人二十二年畢業生四十五人附小共畢業八十二人二十五年停辦師範部奉令改爲濱江區立小學經費 每年額支六千零三十六元由濱江區紳士白清楷等送出之儒學印金學租並雲橋書院內崇義祠營產及濱江公會昌柴秤佣金撥充

### 縣立小學校

#### 縣立第一小學校

校址 原日文昌宮明倫堂名宦祠忠義祠

沿革 前清創立高等小學堂民國十五年改第一高級小學校十七年改中學附小二十年改縣立第一小學校五月立案歷屆畢業生四百一十六人現在六年級班四十九人五年級班六十九人四年級班八十人三年級班五十五人二年級班五十四人

一年級班四十二人總共三百零九人

經費 全年五千八百九十二元由教育經費管理委員會將地方公款撥充

#### 縣立鄉師附屬小學校

詳見鄉師學校內

#### 縣立第一女子小學校

校址 城內麒麟里原日華嚴菴

沿革 民國八年開辦二十年與中學附小合併二十二年縣長吳鳳聲恢復二十四年縣長余榮謀仍將學生合併於縣立一小經費 全年額支二千九百七十六元由教費會將地方公款撥充

#### 縣立第一初級小學校

校址 縣政府左原日觀音堂

沿革 光緒三十一年創立兩等小學堂民國元年改爲模範初  
小學校四年改第一國民學校十八年改今名歷屆畢業共二百  
八十四人現在四班共二百一十三人

經費 全年額定二千五百二十元由教費會將地方公款撥充  
縣立第二初級小學校

校址 下廓街原日華光廟

沿革 民國十五年縣長陸煥開辦招生兩班十八年增一班二  
十一年增一班歷屆畢業三十一名現在四班共一百四十二人  
經費 初定年支一千四百四十元二十一年增班定爲年支二  
千五百元由地方公款撥充

縣立第三初級小學校

校址 上濠基原日三聖宮

沿革 民國十五年縣長陸煥開辦招生三班十八年增一班二  
十一年增一班二十二年增一班歷屆畢業十八人現在四班共  
五十六人

經費 年定額支二千五百二十元由地方公款撥充

縣立第四初級小學校

校址 城內衛西街原日義勇祠

沿革 民國二十一年縣長吳鳳聲開辦將縣立第一平民學校  
改組二十二年春遷今址現在四班共九十五人  
經費 年定一千九百五十六元由地方公款撥充

短期小學

教育部爲推廣義務教育救濟年長失學兒童起見制定一年制短  
期小學暫行規程通令各省縣市遵照籌辦縣長余榮謀於民國二

十五年春將裁減警衛隊兵額節除餉項分在大蓮鄉魚仔坑連平祥鄉長岡村長洞鄉鹿田墟永安鄉澁涌村設立縣立第一二三四短期小學四間每校每月經費四十五元二十六年復奉教育廳由國省庫每月補助義務教育經費三百元余縣長又於清遠城分建市場三所每月由市場租項提撥三百元為補助費補助各貧瘠鄉村籌辦鄉立短期小學每校每月規定經費三十元由國省庫及縣地方款補助四分三由各該鄉村自籌四分一

二十六年  
政府  
禮  
册

各鄉短期小學表

校名	校址	校名	校址
縣立第一期短小學	大蓮鄉	縣立第一期短小學	花兜村
縣立第二期短小學	連平野	縣立第一期短小學	花兜村
縣立第三期短小學	長洞鄉	縣立第一期短小學	魚汕村

清遠縣志

卷十五

短期小學表

二六

縣立第四期短小學	永安鄉	縣立第一期短小學	百康約
縣立第一區第一短小學	松塘村	縣立第一區第一短小學	魚汕村
縣立第一區第二短小學	太平村	縣立第一區第一短小學	東社
縣立第一區第三短小學	三丫海	縣立第一區第一短小學	洛洞村
縣立第一區第四短小學	后岡村	縣立第一區第一短小學	顯歷村
縣立第一區第五短小學	大有村	縣立第一區第一短小學	高橋
縣立第一區第六短小學	瀧樓村	縣立第一區第一短小學	嶺子脚
縣立第一區第七短小學	北坑村	縣立第一區第一短小學	龍潭墟
縣立第一區第八短小學	石衛	縣立第一區第一短小學	樂格村

縣立幼稚園

園址 中山公園內原日關帝廟後殿

沿革 民國二十二年縣長吳鳳聲開辦現在二班共六十餘人

經費 年定額支一千四百八十八元由地方公款撥給 政上府俱檇

### 職業學校

清遠縣汽車司機養成所

一所址 在城內北帝廟

一沿革 民國二十二年正月縣長吳鳳聲以八大公路次第完成

開車營業但缺乏司機人才故設此所委任建設局長姚詛為所

長於二月開課計收學生八十五名課以交通常識駕駛技能修

機藝述六個月畢業卽裁

一經費 收學生每名學費堂費汽油費共一百五十元 建設局

各鄉小學校 縣政府

校名 校址 立案 年月 備考

## 清遠縣志

### 卷五

職業學校

二七

興靖區立第一小學 青雲路 十五年 月

廻岐區立岐東小學 石角鎮 二十五年 三月

濱江區立小學 青雲路 二十年 二月

廻區私立雲從小學 龍塘墟 十七年 十一月

濶江區立第一小學 龍山市未 廿二年核准

濱江區咸泰鄉立小學 高田墟未 校董會二十年立案

濱江區壩仔鄉立小學 壩仔墟 十七年 二月

濱江區石坎鄉立小學 石坎墟 十七年 十月

濱江區石馬鄉立小學 石馬墟 廿三年 二月

濱江區魚嘴鄉立小學 魚嘴墟 十七年 八月

濱江區屯步鄉立小學 龍頸墟 二十年 九月

濱江區球坑鄉立小學 珠坑墟 未 二十年校董會立案

濱江區南涌第一立小學第一涌鄉未

廿二年開辦

濱江區河洞第一立小學河洞鄉未

濱江區南涌第二立小學第二涌鄉未

廿二年開辦

濱江區長洞鄉立小學長洞鄉

廿二年呈請設立

濱江區井塘鄉立第一小學井塘鄉廿二年七月

濱江區井塘鄉立第二小學井塘鄉廿二年七月

濱江區建中鄉立小學建中鄉十九年十月

濱江區羅塘鄉立小學新洲墟未

校董會十九年立案

濱江區岐塘鄉立小學沙河墟未

校董會廿二年核准

濱江區浸潭鄉立小學浸潭墟未

廿一年校董會核准

濱江區橫石鄉立小學橫石鄉十八年五月

濱江區石潭鄉立小學石潭墟廿年十一月

清遠縣志

卷十五

各鄉小學校

廻岐區私立四平小學太平市廿一年七月

廻岐區化平鄉立小學平化社學十七年九月

廻岐區化寧鄉立小學化寧鄉十七年八月

廻岐區昇平鄉立小學山塘墟十六年二月

興靖區同和鄉立小學洲心墟十八年九月

興靖區洲心鎮立初小洲心墟十九年十月合併同和鄉立小學

興靖區江口鎮立小學江口鎮十九年五月合併育民小學

興靖區源鎮源潭鎮源潭鎮二十年三月

興靖區私立興中小學下后街未

廿五年學校核准

興靖區私立光大初小下高岡未

校董會二十四年立案

興靖區私立敬義小學下后街十九年三月

興靖區私立宜民小學白廟墟未

廿二年核准

興靖區私立清華小學下郭尾未

廿年學校核准

興靖區私立三民女子職業補習學校城隍街未

興靖區私立純仁初小 大觀街 廿五年八月

興靖區私立聯盛初小 聯城鄉未

興靖區私立儒溪初小 儒溪堡未

興靖區私立興榴初小 興榴堡未

廿二年校董會核准  
校董會未立案

興靖區私立安興第一初小 聯興局 十九年六月

興靖區私立安興第二初小 新橋市 十八年二月

興靖區私立雍睦初小 鼇頭市 十七年三月

興靖區私立端仁初小 禾倉岡 十七年七月

興靖區私立雲龍初小 后岡墟 十八年八月

興靖區私立雲日初小 蟠龍村 十九年二月

清遠縣志

卷五

各鄉小學

二九

興靖區私立黃金初小黃金埔村 未

十八年校董會核准

興靖區私立塋溪小學 大塋底十九年十二月

興靖區私立平森初小 塘 廿年十二月

興靖區私立伯智初小 咸泰堡

廿四年核准開辦

興靖區私立城陽初小 松 塋 二十年六月

興靖區私立晉鼎初小 田龍灣 十九年二月

興靖區私立永樂初小咸泰鄉白鶴汛村 未

廿一年學校核准

興靖區私立建才初小東邊梁村 未

廿二年學校核准

興靖區私立安貞初小 咸泰鄉 未

廿一年校董會核准

興靖區私立聯興初小咸泰大路 未

廿一年校董會核准

興靖區私立嘉穗小學 古井村 廿一年七月

興靖區私立同善初小 同善堡 未

廿一年校董會立案

興靖區私立樂善初小咸泰鄉未	廿二年校董會核准
興靖區私立蓮溪初小白蓮濠未	廿二年校董會核准
興靖區私立培智初小 <small>咸泰鄉高</small> 未	廿一年校董會核准
興靖區私立忠義初小安善鄉未	廿一年校董會核准
興靖區私立治平初小安善鄉未	廿一年學校呈准
興靖區私立民權初小安善鄉未	廿二年校董會立案
興靖區私立利民初小安善鄉未	廿二年校董會核准
興靖區私立天元初小安善鄉未	廿二年校董會核准
興靖區私立興福初小安善鄉未	廿二年校董會核准
興靖區私立長洲初小安善鄉未	廿五年學校核准
興靖區私立鰲溪初小安善鄉未	廿二年校董會核准
興靖區私立一才初小安善鄉未	廿二年校董會核准

清遠縣志 卷十五 各鄉小學

興靖區私立稔坑初小咸泰鄉未	廿二年校董會核准
興靖區私立齊文初小咸泰鄉未	廿二年學校核准
興靖區私立田山初小中華堡未	廿二年學校核准
興靖區私立中華初小中華堡未	廿二年校董會核准
興靖區私立由善初小安善鄉未	廿二年校董會核准
興靖區私立新民初小咸泰鄉未	廿二年校董會設立
興靖區私立繼遠初小低地村未	廿二年校董會核准
濱江區私立昌永初小珠坑鄉未	廿五年校董會核准
濱江區私立南溪初小石馬鄉未	廿四年校董會核准
濱江區私立西約小學河洞鄉未	廿五年校董會呈准
濱江區私立水東小學水東村未	廿九年校董會呈准
濱江區私立南化初小南涌村	十九年三月

濱江區私立南平初小	南平初小	廿二年二月	
濱江區私立塘坑初小	塘坑初小	廿二年十一月	
濱江區私立新運小學	南浦二	廿二年校董會核准	
濱江區私立珠北初小	珠北初小	廿二年校董會核准	
濱江區私立道明初小	道明初小	廿一年校董會核准	
濱江區私立洪聖初小	洪聖初小	廿二年學校核准	
濱江區私立新洞初小	新洞初小	廿二年學校核准	
濱江區私立大崑初小	大崑初小	廿五年二月	
濱江區私立水口初小	水口初小	廿二年校董會核准	
濱江區私立培成初小	培成初小	廿二年學校核准	
濱江區私立孝廉初小	孝廉初小	廿二年校董會核准	
濱江區私立三聖初小	三聖初小	廿二年校董會核准	

清遠縣志 卷五 各鄉小學校

濱江區私立西溪小學	西溪小學	廿三年校董會核准	
濱江區私立秀群初小	秀群初小	廿二年學校核准	
濱江區私立妙岡初小	妙岡初小	廿年校董會核准	
濱江區私立南華初小	南華初小	廿二年學校核准	
濱江區私立明德初小	明德初小	廿二年校董會立案	
濱江區私立南成初小	南成初小	廿一年校董會核准	
濱江區私立培正初小	培正初小	廿二年校董會核准	
濱江區私立玉成初小	玉成初小	廿一年校董會核准	
濱江區私立濬靈初小	濬靈初小	廿一年核准設立	
濱江區私立維新小學	維新小學	廿三年七月	
濱江區私立召初小	召初小	廿五年校董會核准	
濱江區私立南龍初小	南龍初小	廿一年核准校董會	



濱江區私立東南初小	河洞鄉未	十八年校董會核准
濱江區私立河清初小	河洞鄉未	十八年准立案校董會
濱江區私立太平初小	南涌鄉未	廿二年核准開辦
濱江區私立良平初小	葫蘆坑未	廿二年學校核准
濱江區私立英華初小	員岡村未	廿二年學校核准
濱江區私立群英初小	河洞鄉未	廿二年校董會核准
濱江區私立立德初小	石坎鄉未	呈候核辦
濱江區私立同仁初小	石潭鄉未	廿五年校董會核准
濱江區私立葛溪初小	南涌鄉未	廿二年校董會核准
濱江區私立培智初小	屯步鄉未	廿二年准立學校
濱江區私立民權初小	石坎鄉未	校董會未立案
濱江區私立文興初小	石坎鄉未	廿二年核准校董會

清遠縣志 卷十五

各鄉小學校

濱江區私立黃埔初小	石坎鄉未	廿二年校董會設立
濱江區私立化及初小	石潭鄉未	校董會廿六年立案
濱江區私立石旂初小	<small>石坎白旂</small> 未	廿二年校董會核准
濱江區私立旂西初小	<small>石坎白旂</small> 未	廿五年校董會核准
濱江區私立星聚初小	浸潭鄉未	廿二年校董會核准
濱江區私立福元初小	石馬鄉未	校董會未立案
濱江區私立逕口初小	逕口未	廿四年校董會核准
濱江區私立同安初小	鷓溪圍未	在籌辦間
濱江區私立石南初小	石馬鄉未	廿四年校董會核准
濱江區私立華強初小	石坎鄉未	校董會未立案
濱江區私立龍安初小	龍安約未	廿二年校董會核准
濱江區私立炳溪初小	炳水未	廿二年籌備立案

濱江區私立南壩小學羅塘鄉七年九月

濱江區私立羅西第一小學羅塘西十九年三月

濱江區私立羅西第二小學羅塘西十九年三月

濱江區私立文秀初小羅塘鄉未廿一年校董會核准

濱江區私立岐西初小岐塘鄉未廿二年校董會核准

濱江區私立建西初小建中鄉未廿二年校董會核准

濱江區私立敦睦初小禾雲鄉未廿一年學校核准

濱江區私立通德初小禾雲鄉未廿一年核准開辦

濱江區私立東溪初小禾雲鄉未廿二年校董會核准

濱江區私立茂榮初小石潭鄉未廿六年校董會核准

濱江區私立煥芳初小羅塘鄉未校董會未立案

濱江區私立培英初小岐塘東未已飭校董會立案

清遠縣志 卷五

各鄉小學校

濱江區私立焦蘭小學蕉坑未十八年校董會核准

濱江區私立滿進初小橫石鄉未廿二年學校核准

濱江區私立三約初小橫石鄉未廿二年學校核准設立

濱江區私立橫水初小橫水鄉未十九年校董會核准

濱江區私立蕉坑初小蕉坑未校董會未立案

濱江區私立和平初小橫石鄉未廿一年校董會核准

濱江區私立慎言初小橫石鄉未廿一年校董會核准

濱江區私立文簡小學浸潭廿二年二月

濱江區私立東興初小浸潭鄉未廿一年校董會核准

濱江區私立景茂初小石潭鄉未廿二年學校核准

迴岐區私立冠儒初小冠帶村未廿六年學校核准

迴岐區私立秀善小學馬鞍岡十七年二月

迴岐區私立彭村初小黃沙坑	二十年五月	
迴岐區私立花岡小學花岡	二十年二月	十九年改組核准
迴岐區私立萃聖初小	十七年七月	
迴岐區私立兆昌初小	太平鄉	十九年六月
迴岐區私立詒燕初小	白米壩	廿四年校董會核准
迴岐區私立雅文初小	化寧鄉	十九年五月
迴岐區私立集益初小	化平鄉	十九年九月
迴岐區私立信太小學	白米壩	廿六年四月
迴岐區私立質義初小	化平鄉	十八年十月
迴岐區私立明新初小	霸洲廟	十八年十月
迴岐區私立湮溪初小	湮塘	二十年八月
迴岐區私立廣福小學	金亭基	廿一年二月

清遠縣志

卷十五

各鄉小學校

三四

迴岐區私立岡均初小	岡均鄉	廿一年七月	
迴岐區私立紹基初小	下屏岡	未	廿一年校董會核准
迴岐區私立明善初小	化平鄉	未	學校立案在核辦間
迴岐區私立世昌初小	昇平鄉	二十年七月	
迴岐區私立鳳樓初小	化平鄉	未	校董會未立案
迴岐區私立洪蔭初小	泥圍村	二十年二月	
迴岐區私立日昌初小	鎮塘村	未	廿二年學校核准
迴岐區私立禮義初小	化平村	未	廿三年校董會核准
迴岐區私立同福初小	太平鄉黃泥塘村	未	廿二年核准開辦
迴岐區私立楓坑初小	坑	未	廿二年校董會核准
迴岐區私立平陽初小	化寧鄉	廿三年二月	
迴岐區私立城崗初小	城崗村	未	廿二年學校核准

廻岐區私立伯起初小	門口岡	十九年五月	
廻岐區私立民廷初小	金亭基	廿二年七月	
廻岐區私立英才初小	楊梅村	未	校董會廿二年核准
廻岐區私立恒福初小	金亭基	未	校董會未立案
廻岐區私立連城初小	昇平鄉	未	校董會廿五年立案
廻岐區私立民樂初小	化寧鄉	未	廿二年核准開辦
廻岐區私立光遠初小	化寧鄉	未	廿二年呈准開辦
廻岐區私立米埔初小	黑樹寮	未	校董會廿五年立案
廻岐區私立曉東初小	虎尾凼	未	學校廿六年核准
廻岐區私立學聖初小	<small>太平岡村</small>	廿二年一月	
廻岐區私立連平初小	<small>昇岡堡</small>	未	校董會廿二年核准
廻岐區私立五育初小	恒頭村	未	校董會立案

清遠縣志 卷五

各鄉小學校

廻岐區私立南定初小	南定約	未	廿三年校董會核准
廻岐區私立昇北初小	<small>昇北約</small>	未	廿二年學校呈准
廻岐區私立德朗初小	竹仔園	未	廿五年校董會核准
廻岐區私立岐山小學	德和鄉	未	校董會廿五年立案
廻岐區私立三民初小	蟠龍村	未	學校呈准立案
廻岐區私立三元初小	大汪村		
廻岐區私立梅溪初小	梅溪村	未	學校開辦
廻岐區私立大和初小	<small>太平南塘</small>	未	校董會呈請立案
廻岐區私立白沙初小	化	未	校董會未立案
廻岐區私立平社初小	昇平社	未	校董會廿四年立案
廻岐區私立敬朝初小	金亭基	未	廿三年校董會核准
廻岐區私立偉成初小	<small>太平安約</small>	未	校董會廿四年立案

廻岐區私立同興初小昇平鄉未	校董會廿三年核准
廻岐區私立揆成初小東興圍未	廿二年校董會核准
廻岐區私立建興初小花坡村未	廿二年校董會核准
廻岐區私立興中初小太平鄉未	校董會未立案
廻岐區私立天寶初小太平鄉未	校董會未立案
廻岐區私立成遠初小珠源村未	校董會廿三年核准
廻岐區私立偉群初小葵貝村未	校董會廿三年核准
廻岐區私立三育初小官路村未	校董會廿三年核准
廻岐區私立務本小學石基村廿四年一月	
廻岐區私立始平初小塘頭村二十年二月	
廻岐區私立尙友初小丁字壘廿一年十月	
廻岐區私立興仁小學興仁市廿四年一月	

廻岐區私立三嘉初小三嘉村未	學校立案在核辦間
廻岐區私立清芬初小 <small>南 盟 洲 村</small> 未	廿一年校董會核准
廻岐區私立尙德初小 <small>馬 頭 石 村</small> 廿一年五月	
廻岐區私立雲祥初小銀盞坳十九年四月	
廻岐區私立興善初小德和鄉未	廿六年學校核准
廻岐區私立五嶺初小德和鄉未	廿六年學校核准
廻岐區私立景德初小衛寧鄉未	廿六年校董會核准
廻岐區私立田心初小仁益鄉未	廿二年校董會核准
廻岐區私立志宏初小 <small>灰 沙 基 村</small> 未	廿二年校董會核准
廻岐區私立啓賢初小 <small>大 埔 岡 村</small> 未	廿二年學校核准
廻岐區私立長興初小德和鄉未	廿二年校董會核准
廻岐區私立育民初小 <small>大 天 井 村</small> 未	廿二年校董會核准

興靖區私立善長初小	衛南鄉未	廿二年學校呈准
迴岐區私立惠德初小	丁字壑未	廿二年學校核准
迴岐區私立永康初小	<small>村上 迴岐</small> 未	校董會未立案
興靖區私立河清初小	河塘洞未	廿二年校董會核准
興靖區私立大蓮初小	大蓮墟	十八年四月
興靖區私立應祖小學	鎮平鄉未	學校立案在核辦間
興靖區私立菓園初小	菓園村	<small>月十九年十一</small>
興靖區私立長埔初小	信義鄉	十九年三月
興靖區私立蘆塘初小	洲心墟	十九年六月
興靖區私立繼述初小	赤岡	二十二年
興靖區私立沙漣初小	漣	十八年五月
興靖區私立伯翁初小	叔伯塘	十九年二月

清遠縣志 卷五

各鄉小學校

興靖區私立鶴停小學	倫洲村	十九年七月
興靖區私立乾一初小	連水村未	廿二年校董會核准
興靖區私立乾二初小	<small>村大 棉脚</small> 未	廿二年校董會核准
興靖區私立北城初小	齊康鄉	廿三年四月
興靖區私立小市初小	市未	十八年校董會核准
興靖區私立聯迎初小	迎嘴村未	廿五年學校核准
興靖區私立興仁初小	旺洞	<small>村涌</small> 二十年七月
興靖區私立州寶小學	三角村未	十八年校董會核准
興靖區私立二嶺初小	二嶺村未	十九年校董會核准
興靖區私立中和初小	中和鄉未	十八年校董會核准
興靖區私立德宗初小	瀝頭村未	十八年校董會核准
興靖區私立福如初小	岡頭村	十八年一月

興靖區私立育英初小村公步頭廿二年五月

興靖區私立聚龍初小石梨塘未廿二年學校核准

興靖區私立和堯初小大木洲未十八年校董會核准

興靖區私立三益初小蓮塘村未十九年校董會核准

興靖區私立安豐初小安豐園十九年八月校董會廿三年立案

興靖區私立聯英初小平安南未十九年核准設立

興靖區私立人和初小人和鄉未十九年核准設立

興靖區私立國平初小鄒堂村二十年一月校董會在核辦間

興靖區私立日流初小福安村未廿一年校董會核准

興靖區私立博遠初小牛眠沙未廿一年校董會核准

興靖區私立高埔初小高埔村廿一年一月

興靖區私立德成初小百嘉村廿三年十一月

清遠縣志 卷十五 各鄉小學 三八

興靖區私立瑞溪初小源潭鄉未廿一年校董會核准

興靖區私立義龍初小百嘉村廿二年六月

興靖區私立裕遠初小黃泚水未二十年校董會核准

興靖區私立城南初小城南鄉未學校立案在核辦間

興靖區私立金溪初小永齊鄉未二十年校董會核准

興靖區私立顯溪初小大顯村未廿一年校董會核准

興靖區私立六步初小大蓮鄉未廿二年核准開辦

興靖區私立沙溪初小沙口村未廿一年校董會核准

興靖區私立文昌初小大埔村廿五年

興靖區私立大安初小大岡脚未廿二年校董會核准

興靖區私立永奇初小人中鄉未廿二年校董會核准

興靖區私立永平初小佛仔均未二十二年學校核准

興靖區私立三和初小平安南鄉未 二十三年核准開辦

興靖區私立福生初小同和鄉未 校董會立案

興靖區私立湖溪初小水湖雙村未 廿二年核准開辦

興靖區私立仁信初小龍鎮岡未 廿二年核准開辦

興靖區私立萬元初小萬元堡未 廿二年核准開辦

興靖區私立福全初小福全崗未 廿二年核准開辦

興靖區私立智盛初小雙聯西鄉未 廿二年核准開辦

興靖區私立中立初小人中鄉未 廿六年核准開辦

興靖區私立智明初小平安南鄉未 廿三年核准開辦

興靖區私立育民小學江口墟十九年五月廿五年核准改組

興靖區私立聯民初小江口汛未 校董會廿三年立案

興靖區私立肇明初小公和鄉未 校董會廿五年立案

清遠縣志 卷五 各鄉小學校 三九

濶江區私立湯一小學湯塘鄉二十年十月 十七年校董會核准

濶江區私立聚英初小金欽博鄉未 十七年校董會核准

濶江區私立致遠小學湯塘鄉廿三年十月 廿一年核准開辦

濶江區私立象賢初小上岳村未 廿一年核准開辦

濶江區私立世饗初小車步村未 十八年校董會核准

濶江區私立兩黎小學上黎村二十年五月 廿六年校董會核准

濶江區私立文約小學文昌市未 廿六年校董會核准

濶江區私立積善初小古桐圍 廿一年學校核准

濶江區私立垂裕小學上四九十九年 二十二年核准開辦

濶江區私立新球小學聯衛鄉未 二十二年核准開辦

濶江區私立西華初小義安塘村十九年二月

濶江區私立東勝初小義安塘村廿一年八月



濳江區私立濟美初小	仁安鄉未	廿一年校董會核准
濳江區私立普美初小	仁安鄉未	廿一年校董會核准
濳江區私立光裕初小	聯衛鄉未	十八年校董會核准
濳江區私立集成初小	<small>古樓山村</small> 未	廿一年校董會核准
濳江區私立光賢初小	聯衛鄉未	廿二年校董會核准
濳江區私立鳳翔初小	信安鄉未	廿一年校董會核准
濳江區私立太和初小	竹山園未	廿二年學校核准
濳江區私立培正初小	聯衛鄉未	廿二年校董會核准
濳江區私立榮埔初小	聯衛鄉未	廿五年核准開辦
濳江區私立嘉禾初小	公和鄉未	廿五年核准開辦
濳江區私立白沙初小	定安鄉未	廿六年核准開辦
濳江區私立浩賢小學	湯塘墟未	廿五年校董會立案

濳江區私立大埔初小	大埔村未	廿二年校董會核准
濳江區私立永義初小	義安鄉未	校董會未立案
濳江區私立聯福初小	高平鄉未	校董會廿五年立案
濳江區私立社岡初小	社岡村未	廿二年校董會核准
濳江區私立黿山小學	<small>水西石松園</small> 十一月三月	
濳江區私立新承初小	鶴田村未	廿六年核准開辦
濳江區私立仁善初小	新圍村	二十年八月
濳江區私立崇本小學	官庄	廿二年一月
濳江區私立啓明初小	新村未	十九年校董會核准

謹按各鄉小學當叙明校址沿革經費三端方足稱完全教育  
 史但各校經費左提右撥時有增減案牘太繁勢難逐一詳錄  
 茲故僅載其設立時期名目校址焉

清遠貧瘠之區學務不易發達民國二十年統計各鄉小學祇有百餘所自吳縣長鳳聲蒞任銳意振興突增至三百所鄉人勉從多未組織完善是以時越兩年停閉者幾達三分之一如石坎一鄉其餘尚多以經費未甚確定每滋糾紛鮮見成績蓋鄉人狃於積習以為學校注重打球體操音樂旅行等事授課時少休息時多讀書常至荒廢學業况鄉村多過時失學父兄望其稍識字義能寫書信而已見校中所用白話教科書嫌其難解如那末等字鄉人不復以師資缺乏辦理小學者未易得人彼以為塾師或深於世故日夜講習故舍彼而就此其因一也初時獎勵辦學任其指撥公款鄉人或藉辦學以踞公產或勉辦學以保祖嘗毫無預算遽請設校其後欸絀者固難支持即欸足者大約每多幾廟嘗租穀亦漸減少前年每穀萬斤可售六百餘元今僅售三百餘元且連遭荒不及原

清遠縣志

卷十五

社會教育

四一

預算之半間有藉抽各捐近亦銳減或豁免不得不停辦其因二也急圖興學提撥公款審核或欠周詳恆惹起糾紛更有校董會尚未立案已糜鉅欸數年尚未開辦學校者經年纏訟浪費不可告人尤予鄉人以反感其因三也故私塾日增而學校教育莫由進展余縣長榮謀下車後迭次出巡洞曉癥結以前學欸糾紛既依法排解此後立案設校者務先詳查經費來源并飭具結遵辦始予核准調查學童人數及鄉村富力分別責令紳耆尅期辦學其經費絀學童少而學校接近者酌使合併經費困難而有設校必要者則由縣補助設立短期小學以資救濟計成立者已有二十四校全縣小學現有三百六十校

社會教育

閱報處在文昌廟內光緒三十一年開辦購備報紙任人閱覽以開

通民智由半夜學堂校長兼理每月經費二十元民國元年停辦

署備

圖書館在縣政府之西清遠向有尊經閣光緒二十年和邑侯廷彪捐廉購置經史子集各書擴建藏書樓於鳳城書院之後民國十年龍知事思鶴設立通俗圖書館於節孝祠將和公捐置書籍移入並新置通俗小說雜誌報紙任人閱覽兼辦巡迴演講所每月經費共六十元

縣公署

十三年建立新館於縣署之西上為書樓下為閱報

處二十四年改為縣立民衆教育館

訪冊

通俗巡迴演講所民國十年開辦由圖書館長兼理內設宣講生二名分向城鄉演說二十年停辦

同上

縣立民衆教育館民國二十二年吳縣長鳳聲擬將圖書館改組設處籌備當時經費每月一百零三元二十四年余縣長榮謀蒞任該

## 清遠縣志

### 卷十五

社會教育

四二

館成立內設館長一員由教育局長兼任主任一員每月薪工六十元幹事一名每月薪工三十元事務員一名每月薪工二十元雜役二名每月薪工共二十四元全館經費每月二百五十元在地方款

撥充

縣政府

啓明閱報社在東門街社壇邊民國十五年募捐建築購備報紙任人閱覽十六年停辦

總冊

清遠日報民國十九年九月二十五日縣黨部委員劉煥章任社長創辦日報由地方公款補助月費四十五元防務禁烟公司均有報

効津貼費

縣黨部

民意日報民國二十一年縣兵隊長潘衛民任社長創辦日報由地方公款補助月費四十五元防務禁烟公司均有報効津貼費

縣黨部

江北日報民國二十二年參議會議長蔡漢三任社長創辦日報志

在開通民智不受補助津貼

訪冊

壁報民國二十二年六月縣黨部創辦每星期出版一次掛在通衢

壁上以期開通民智現已出至第一二九期

光緒冊

平民學校由縣黨部設立民國十五年春開辦一班即在縣黨部內至十七年擴充為五班一在縣黨部一在下郭第二初小學校內一在城內九八號一在下郭后街郭宅一在下郭后街郭氏宗祠另於南門河面蠶船設立一班至二十二年祇辦一班在城內鳳凰街翌年全停

縣黨部

冊

又三區黨部於二十年又辦平民學校一班於龍頸

墟翌年亦停

三區部

湖濱小苑閱報處在東門塘邊原日城門外民國二十四年拆去城墻改為清陽公路車站二十五年各界發起呈請余縣長榮謀批准在此建築小苑點綴風景研究教育會員遂附設閱報處於此報費

清遠縣志

卷十五

學田

四三

由該會供給其常費除由孔教會酌撥外呈准縣政府將原日清平戲院租息撥充

冊

學田

萬曆十九年總督劉繼文捐金買置瑞峰廢寺田一十七頃四十五畝七分四釐捐七頃給府學貧生歲入租銀四十四兩四錢南海番禺各給四頃三畝一分二釐以田隸清遠亦給清遠學二頃三十九畝五分合前所置六十畝五分亦四頃三畝一分二釐

國方書集成

學田在池水鄉土名禾雲沙水烏石頭村前寨脚廟前等處廢寺田稅六十畝零四分九釐七毫六絲 土名爛坑苦竹坑和尚岡松柏黃龍歸水等處田稅二頃三十九畝五分零三毫係總督劉繼文捐金置買與前縣蘇廷龍捐置池水鄉等處田共計四頃餘歲收除糧差外貯給貧生燈油喪葬等用

圖書集成

府志

清遠原額學田三頃三十八畝八分九釐七毫除納糧銀六分三釐通計每畝徵收租銀一錢二分七釐三毫三絲五忽共實徵銀四十三兩一錢五分三釐既通

清遠之有學田自蘇君廷龍始冊訪蘇君捐俸置廢寺田貯學除輸糧支給書役外悉供諸生月考燈油之費後總督都御史劉繼文又捐金買瑞峯廢寺田增撥入學給濟貧生今祇存其名寢失初意實有餼羊之感焉光緒志

一明萬曆中知縣莆田蘇廷龍捐俸買置池水鄉土名禾雲沙水烏石村前寨脚等田稅六畝四分九釐七毫六絲秋糧一石零四升九合八勺一抄上同

一增撥瑞峰廢寺田土名爛泥坑苦竹坑禾尚岡松柏蒼龍歸水等田稅二頃二十九畝五分三毫秋糧四石一斗五升六合六勺入清

清遠縣志 卷五

學田

四四

遠學給濟貧生以上二項共稅二頃八十九畝九分九釐四毫六絲原額米一十石零八斗八升七合載興二七甲李如桂戶原額租穀三百七十石但歲有豐歉各佃良歹不一遞年十僅收七八隨時價值變銀支解上同

納額徵條銀一十七兩四錢七分色米一石二斗二升二合一解學憲給發貧生銀四十三兩一錢五分四釐另搭馬各費上同

光緒志云謹按前項租穀向係在縣徵收雍正元年署三水縣黃公送學徵收雍正十二年奉部通行學租歸縣徵解課學准覆照舊留徵收易銀移縣轉解詳奉學院批允在案

原廢寺田

一瑞峰廢寺田坐落池水鄉何峒都土名大灣師姑坑禾雲沙水嚮水苦竹脚爛泥坑白芒車圃等處一十一頃三十四畝八分四釐一

毫又坐落滄江鄉高灘都土名黃壩上下湖九十塊上岳一頃二十四畝零四分三釐光緒志引舊志

一羅漢廢寺田坐落興仁鄉後岡都土名高灘石板占果黃桐眉坑

一寶林廢寺田坐落清平鄉清湖都土名菩薩渦禾尙陂寺前河岡脚等處二頃四十五畝五分二釐八毫同上

一寶月廢寺田坐落善化鄉廻岐都土名喬車威整大坑口廟前後禾尙墳擔泥坎等處六十七畝七分二釐五毫同上

一飛來廢寺退出在官田坐落靖定鄉龍岡都土名沙梁圓腿嶺葫蘆坎上下木塘溷禾尙田企沙溷稅四頃同上

已上五項共稅二十四頃零五畝九分三釐內除知縣蘇廷龍撥入清遠學田二頃八十九畝九分九釐四毫六絲又通縣紳士捐

清遠縣志

卷五

學田

四五

買入鰲塔寺五頃九十九畝七分外尙應稅一十五頃一十六畝二分三釐五毫四絲向係各佃承耕租銀在縣帶徵批解清遠學田始自前明萬曆年間知縣蘇廷龍捐俸及本邑十鄉里排價買瑞峰寶月羅漢等廢寺田以爲士子燈油之費緣從前有本籍撥府及考入南番兩縣學者故舊志開載有議入府學及南番兩縣學之田總之皆本邑之學田也因國初兵燹之後學校寥曠無人經理此項租田統歸清遠縣徵收遞年除納正供所租銀解赴學院散給貧生而本邑府學縣學諸生不得受其實益由來已久雍正五年府學官與府學生某窺清遠學田一項縣志有議入廣南番三學字樣遂生覬覦僞豎碑文突以懇恩賜詳等事詳署撫憲常奉批據詳三學之田坐落清遠地方被教諭陳璵率同學霸將三四兩年租穀兜收等語但此項學田既始自萬曆年間由來已

久照數移學按款公用雍正三四兩年今被沉沒此中明有別情仰廣州府確查詳覆核奪奉府牌行到縣生員朱昶歐爲光等具詞訴明連繳縣志呈驗由知縣李治文查明詳覆知府張公錫洞悉其奸奉批此項租銀向解學憲從無移交府學之案某等顯屬多事妄控殊非閉戶讀書之士仰卽確查始末另具妥詳以憑核轉銷案不必拘提窮佃拖累無辜雍正六年八月內府學生某又串武舉某誣以欺盜聖產等事呈控奉督院孔批仰廣州府查報牌行審訊生員朱昶歐爲光遵卽赴府訴明知府吳公鰲所審又指其奸備文詳覆文內有如果有餘羨租穀從前三學諸生何獨無言三學教職何獨無詳如果有餘穀移送府學從前解租何無文案可稽收爲公用何無支册可據某等本應以誣告律擬姑請從寬將某發學戒飭某年逾七十罰銀五兩發普濟堂公用以爲

多事者戒府學某嚴記過一次耕佃釋寧雍正八年三月內某又串何齊穆崔元光梁王佐等狡以隱佔叩乞照批等事徑赴布政司呈承此項學田蒙司行府查訊知縣張若谷見耕佃拖累日久異棍詭串多端詳請布政司盡將學田丈量明白仍召本邑農民耕種將何齊穆等解回原籍復蒙廣州府檄行南海縣將何齊穆等責懲數年塵案始得清結

光緒志  
引舊志

一額徵錢糧三十四兩一錢三分色米二石六斗丁銀一兩九錢湊

解兵餉

上同

一徵額租銀一百零三兩二錢九分九厘解赴學憲賑給貧生

一徵添承租三十兩零一錢七分解府轉解充公

上同

光緒志云謹按解赴學憲賑給貧生租項此本邑內各廢寺田土原經給帖各里排在官納價承買管業多年後因大憲行文

重復追價致里排退出還官則前田實里排價買之田也貧生雖有濟而當日各里排之受益多矣舊志云然附載其說

民國十九年各界因見以上各學田日久失去土名畝數止存耕戶名字幾已變為糞脚田租於是各界組織整理三江產業委員會議定章程飭令耕戶繳價投承轉為完全民業如無力承投者即行開投結果僅投去許社貴一柱繳價千元而已辦理年餘毫無成績即行將會結束縣政府 檔冊

謹按此等學田俗名學租又名三江公租現仍照舊由縣徵收城外東北隅杉岡一所原屬官山乃通邑來龍要處又為學宮案山宜培補不宜損破乾隆初土棍麥逢泰等藉有岡側魚塘一口冒佔耕鋤通邑士民具呈知縣陳哲具文通詳各憲按律治罪退回杉岡歸公永禁鋤掘光緒 志

清遠縣志

卷五

學田

四七

兩學額租穀數列

光緒 志

后岡石板村等處每年額租穀二百九十石東齋一百四十五石西齋一百四十五石鄉徵小斗

征小斗禾雲滙囊村上下沙村等處每年額租穀一百四十石東齋七十石西齋七十石鄉徵小斗

魚嘴墟和順岡村每年額租穀三百石東齋一百一十五石西齋一百一十五石鄉徵小斗

板潭等處每年額租穀三十石東齋一十五石西齋一十五石鄉徵小斗

壩仔龍歸水村每年額租穀七十石東齋三十五石西齋三十五石鄉徵小斗

東齋每年應解貧生燈油銀二十一兩五錢七分八釐另搭馬銀九兩零七分九釐

蓋

西齋每年應解貧生燈油銀二十一兩五錢七分八釐另搭馬銀九兩零七分九釐

蓋

興一鄉七甲李如桂戶每年納條八兩二錢三分五釐 納色米六斗一升一合三勺



滙二鄉三甲黎遇泰戶每年納條銀九錢九分正

二共條銀九兩二錢二分五釐加伸耗銀一兩五錢五分九釐

二共色米六斗八升一合八勺該銀二兩三錢七分三釐

東西齋同納上俱光緒志

學產

清遠鳳城書院乾隆二年知縣陳哲捐建八年詳撥東林寺鄉小斗租穀七百五十石合之於鰲塔田租內每年撥穀二百五十石以為延師訓課之費道光十年合邑捐置稅業地租每年銀一百四十兩支給膏伙光緒志引舊志

清遠土名禾雲樟洞沙瀆占果等處乾隆二十三年分撥廣南番三學本學應有田三頃一十二畝五分五釐除歲科解繳學院支給貧生燈油三十七兩一錢三分外餘備諸生月課獎賞史府志

清遠縣志

卷十五

學田

四八

乾隆二十三年奉撥歸學清遠田共稅四頃九十三畝三分九釐四毫除會同廣南番三學解繳學院支給貧生燈油本學該銀三十六兩九錢八分八釐另搭馬頭銀兩費用外餘為歲中學內諸生月課之用史府志

謹按此事疊經各憲訊實各處學田全為清遠獨有之公產同治間史澄修府志突載學田二段於經政略中有分撥廣南番三學之句查史撰府志義例每事必注明出典及據某書於此二段獨無所據且清遠學田之下又載崇禎間梁士吉捐出深埗沙田四頃八十畝云云查清遠固無梁士吉捐田之事縣非近海亦無深埗沙田蓋此本番禺之事史誤系清遠下也似此紀載實無根據足以淆亂見聞故特訂正於此以免後來轉輾光緒二年五月舉人麥瑞芳用銀四百五十二兩買下郭稅舖一間

每年批租銀三十一兩九月用銀五百兩領委員查封南門內外上下郭賭館十一間十一月用銀一百一十兩買城內舖一間每年批租銀一十兩併送與書院交文昌廟值事管理租銀永爲生童添補膏伙另送銀二百兩爲修舖及解繳舖價補平費用除補平護解刻碑支銀三十三兩尙有銀一百六十七兩送交值事收領

光緒志

臬憲告示二品頂戴廣東等處提刑按察使司按察使兼管全省驛傳事務加四級紀錄十次周爲出示曉諭事案照清遠縣會同委員具稟查封該縣城南門內外上下郭等處賭館十一間勘明南門內鳳凰街口三間坐西向東一間深二丈四尺五寸濶一丈又坐北向南一間橫排四進頭進深一丈濶三尺二寸二進深八尺濶二丈三進深一丈三尺五寸濶二丈四進深一丈濶一丈三尺三寸又坐南向北一間正間深八尺六寸濶一丈八尺五寸廂

房深八尺五寸濶八尺六寸另南門外賭館四間內坐東向西一間四進共深三丈三尺一寸濶俱一丈三尺一寸又坐西向東一間深三丈四尺濶連巷共一丈四尺又坐西向東一間深一丈七尺五寸巷深二丈七尺二寸濶六尺四寸後進由巷橫門入正廳深一丈五尺五寸濶一丈一尺六寸又城外上郭街坐西向東橫排三進頭進深一丈濶七尺中進深一丈濶一丈三尺一寸後進深一丈濶六尺又城外下郭街濠基口一間坐北向南深一丈八尺三寸濶八尺三寸又上郭街坐東向西一連兩間左邊一間深一丈三尺二寸濶連廂房共二丈右邊一間深一丈二尺四寸濶連廂房共一丈七尺九寸俱連上蓋磚瓦木料地基共估值價銀五百兩示召業戶職員麥瑞芳繳價承領送歸該書院交文廟值事召租正業生理租銀永作生童月課膏伙之資將價銀批解到

司並請給照管業等情前來除將價銀兌收存庫充公及聲明嗣後永遠不准該業戶麥瑞芳復開賭館及違禁事業各緣由給照管業外合行出示曉諭爲此示諭該縣紳民士庶胥差人等知悉爾等務須各安本分營謀正業生理毋得覬覦爭執復開賭博及違禁事業如敢故違許業戶及左右鄰對戶人等指控拏究封禁慎毋扶同朦混致有訪聞或被告發同干重究凜之毋違特示光緒二年九月日示勒石鳳城書院

光緒志

委員廣東補用軍民府卽補糧捕分府馮同知銜署清遠縣正堂加十級紀錄十次何爲泐石書院事案據職員麥瑞芳稟稱竊照前奉臬憲委員會縣查封邑城內外順利等賭館共十一間出示召買經職員因本邑書院膏伙微薄情願捐備洋銀五百兩承領送歸書院交文廟值事管理另招佃人改作正業生理將租銀永

作生童月課膏伙蒙會同委員聯銜具稟現奉臬憲給發執照並出示發泐縣石得垂永久合邑士子均爲鼓勵益加奮勉再有請者職員查賭館與店舖做法不同必須修整舖面始能租批貿易正業且墻壁椽瓦俱應修理書院難籌此費是以預行籌備洋銀二百兩爲修理舖業暨解繳前項舖價補平及盤費之用今止用去補平銀四兩投文費銀三錢六分差勇護解伙食銀七兩六錢四分來回船費銀八兩刊刻示碑工料銀一十三兩尙存銀一百六十七兩送交書院值事作修理舖業費用報明立案乞出示曉諭並泐石書院俾衆咸知等情到縣據此查本案前據該職員麥瑞芳捐繳洋銀五百兩承領縣城南門內外順利等賭館共十一間送歸書院改批正業生理收租爲生童月課膏伙培植士子當日復預備洋銀二百兩爲修理暨解繳前項舖價補平及盤費之

用今據稟報止用去補平報文及差勇護解伙食船價等項共銀二十兩刊刻示碑工料銀一十三兩尙存銀一百六十七兩送交書院值事作修理舖業費用實屬堪嘉除准立案並出示曉諭外合行給示泐石爲此示諭闔邑生童及書院值事知悉前奉臬憲委員會封南門內外順利全益順棧成益同興又全益安利茂和全興泰利正館泰利外館共賭館十一間現經職員麥瑞芳繳價銀五百兩承買送歸書院並備送修舖費用銀一百六十七兩交值事收管將舖批發貿易正業生理收租永爲生童月課膏伙不得復開賭館各宜遵照毋違特示光緒二年十月日示告示泐石鳳城書院豎立

存碑

又麥瑞芳泐碑云光緒二年閏五月用價銀四百五十二兩買受鍾福茂稅舖一間坐在下郭迎華壇開口數上第六間坐北向南

清遠縣志

卷五

學產

五一

深一連兩大進濶十七坑前至官街後至扁柏巷磚石瓦木舖窗門榻俱全每年批收租銀三十一兩司碼兌收又十一月用價銀一百一十兩買受□□□舖一間坐在古樓壇祖巷口數下第二間深一連兩大進濶十七坑週圍磚墻瓦木門榻俱全每年批收租銀一十兩一併送出書院永爲生童月課膏伙之資光緒四年

九月吉日泐石

存碑

舊儒學租

共土名五處甲后岡石板村共租穀額二百九十八石二斗五升二合八勺共租銀額三兩零三分六釐乙濱屬禾雲共租穀一百二十六石一斗二升九合五勺濱屬板潭共租穀額九十五石六斗一升五合七勺丁濱屬禾順岡共租穀額二百五十九石六斗零三合戊濱屬壩仔龍歸水共租穀額七十一石零九合六勺以

上合共租穀額八百五十石零六斗一升零六勺自儒學裁撤改撥爲督學局經費相沿撥爲學務委員勸學所經費每年由原日司事督同學斗按站催收約共收銀一千元除收租費外實得銀八百餘元

縣公署教育局檔册

道光十年買受梁姓龍塘墟邊灰沙基菱角坳西白嶺矮嶺仔等處共種子六十餘石魚塘大小二口基上竹寮一座石車一副灰沙禾場一個另黃堡埔田租穀五十二石原價銀一千二百兩每年租銀一百四十兩從前闔邑捐置支發書院膏伙

光緒志

### 飛來寺繪筏租

原日飛來寺產共繪排八埭一大繪埭二二擺埭三三娘灣四大攤灣五穿孔石六石角廟七細坦頭八荷木脚每年租銀約二百元原由勸學所撥作經費自督學局成立改撥爲局費經於民國

## 清遠縣志

### 卷十五

學產

五二

二年撥作教育會經費但教育會每年給回飛來寺香油納糧銀二十兩在繪埭租項按年送給永遠不得增減

縣公署檔册

### 東林寺產

稅田一畝在捕屬聯興局新洲角村前年收官斗租穀六十石魚塘一口在寺背後年收租銀二十元菜地一坵舖屋一間馮宅住萬隆店地皮四間其餘歐道館周宅黃宅張宅英翁祥鄧宅麗和譚宅關帝廳合益李泰昌連益船廠各地皮一間以上年收租一元統計年約收租洋二百餘元民國九年二月由知事張鑑藻核准撥作體育會經費

同上

### 飛來寺產

清光緒三十二年由知縣袁可群詳准撥飛來寺產之黃金坵閣梨塘湯塘三處田租爲縣立第一高等小學校經費

同上

一黃金坵每年租穀額二百一十六石四斗八升三合大楓寮租亦入此項田租之內二閣梨塘每年租穀額六百六十石零六斗七升四合八勺因租項難於整理公議變賣得田價銀六千元此項價銀除撥還縣高小學校建校費外其餘被反正時新選紳士提用淨盡三湯塘每年租穀額三百三十石零三斗一升八合九勺因濳屬興賢學堂紳士哭澄章黃焱煥等稟爭爲該校經費後由知事顏輅和解將該庄租項每年除完糧及收租費外其餘實得租銀作十分算縣高小值七分半興賢值二分半互訂約條同樣四分一繳縣一存勸學所一存縣高小校一存興賢學堂遂爲定案

縣公署  
檔冊

### 華嚴寺產

土名三角州共稅田一百二十畝零二分六釐六毫六絲清光緒

三十一年二月由知縣袁可群提撥歸縣立第一國民學校管業現每年約收租銀三百餘元該寺僧人歸併鬻塔寺留濱江寺產爲經僧人口膳

同上

### 捕屬區立高小學校經費

當光緒三十一年開辦之日由知縣袁可群撥飛來寺產龍聚嶺臺前等處田合共種子二百一十七石三斗八升三合當卽割米給照在案此時各紳見撥租已多而飛來寺名勝亦當兼顧乃議決由學校每年送回該寺香油銀二十兩民國五年見校費不敷又請准撥該寺管業之繒埗自李家庄上至濳江口眉坑口以下繒排漁埗租每年約批三百餘元該寺入息更絀又由各紳議定將該繒排漁埗租每年由學校給回飛來寺香油銀三十元由各校董及各紳訂妥永遠照辦

同上

民國十年開設牛行二十年開設

鷄秤俱爲校費

興靖區  
訪冊

### 九區高等小學校經費

光緒開辦時已經指定社學內花山廠田租每年收銀一百八十元九條圳田租每年收銀一百二十元金斗角田租每年收銀五十元關前墟舖租每年收銀六十元另原日飛來寺湯塘田租本奉撥四屬高小學校後由吳澄等控爭爲該校經費因由知縣顏輅判解將該租得所除費用外其十之七份半歸四屬高等小學校十之二份半歸興賢學校訂約照辦興賢卽改爲九區高小學校

校

縣公署  
檔冊

### 濱江鄉村師範學校經費

光緒季年開辦濱江高小學校時稟准將濱江雲橋書院產業及濱江公會昌柴秤佣銀及崇義祠嘗產撥充經費並由增生白清

清遠縣志

卷十五

學產

五四

楷增生馮有翼監生朱盛朝附生梁忠誠稟准督撫提學使領回前同治間奉送儒學爲印金之先祖白西緣等糞脚田租自願報效濱江學堂以爲永遠經常學費尋由紳士鄭馨祐等議決奉白西緣等正座牌位崇祀興學祠並准該四姓子孫永遠免試學額各一名以爲崇報上同民國十七年改辦鄉村師範學校附設小學合共每年經費六千零三十元縣政府  
檔冊二十五年春停辦師範將該經費改辦濱江區立完全小學訪冊  
費容